

উৎসে কর বিধিমালা, ২০২৪

[১১ সেপ্টেম্বর ২০২৫ পর্যন্ত সংশোধিত]

[এসআরও নং-১৬১আইন/আয়কর-৩৬/২০২৪, তারিখ: ২৯ মে ২০২৪]

[এসআরও-১৫৭-আইন/আয়কর-১২/২০২৫, তারিখ: ২৬ মে ২০২৫]

[এসআরও-৩৬২-আইন/আয়কর-১৭/২০২৫, তারিখ: ১১ সেপ্টেম্বর ২০২৫]

গণপ্রজাতন্ত্রী বাংলাদেশ সরকার

জাতীয় রাজস্ব বোর্ড

(আয়কর)

প্রজ্ঞাপন

তারিখ: ১৫ জ্যৈষ্ঠ ১৪৩১/ ২৯ মে ২০২৪

এসআরও নং-১৬১-আইন/আয়কর-৩৬/২০২৪।- জাতীয় রাজস্ব বোর্ড, আয়কর আইন, ২০২৩ এর ধারা ৩৪৩ এ প্রদত্ত ক্ষমতাবলে, নিম্নরূপ বিধিমালা প্রণয়ন করিল, যথা:-

১। শিরোনাম ও প্রবর্তন।-

- (১) এই বিধিমালা উৎসে কর বিধিমালা, ২০২৪ নামে অভিহিত হইবে।
- (২) এই বিধিমালা ১ জুলাই ২০২৪ খ্রিষ্টাব্দ হইতে কার্যকর হইবে।

২। সংজ্ঞা।- বিষয় বা প্রসঙ্গের পরিপন্থী কিছু না থাকিলে, এই বিধিমালায়-

- (ক) “আইন” অর্থ আয়কর আইন, ২০২৩;
- (খ) “অর্থ পরিশোধের জন্য দায়িত্বপ্রাপ্ত ব্যক্তি” অর্থ আয়কর আইন, ২০২৩ এর ধারা ১৪০ এর দফা (১) এ সংজ্ঞায়িত ব্যক্তি;
- (গ) “কাঁচামাল” অর্থ কোন শিল্পোৎপাদিত পণ্যের এমন সকল মৌলিক উপকরণ যাহা পরিবর্তিত বা রূপান্তরিত হইয়া সম্পূর্ণ নূতন রূপ ধারণ করে;
- (ঘ) “চুক্তি” অর্থ আয়কর আইন, ২০২৩ এর ধারা ১৪০ এর দফা (২) এ সংজ্ঞায়িত চুক্তি;
- (ঙ) “ডেভেলপার” বা “রিয়েল এস্টেট ডেভেলপার” বলিতে রিয়েল এস্টেট উন্নয়ন ও ব্যবস্থাপনা আইন, ২০১০ এ বর্ণিত ডেভেলপার বা রিয়েল এস্টেট ডেভেলপারকে বুঝাইবে এবং যদি কোন ব্যক্তি ডেভেলপার বা রিয়েল এস্টেট ডেভেলপারের অনুরূপ কার্যাবলি সম্পাদনপূর্বক তাহার নিজের বা অন্যের ভূমি উন্নয়ন করেন অথবা তাহার নিজের বা অন্যের ভূমিতে স্থাপনা, বাড়ি, ফ্ল্যাট, অ্যাপার্টমেন্ট অথবা ফ্লোর স্পেস নির্মাণ করেন; অথবা ভূমির মালিক বা স্থাপনা, বাড়ি, ফ্ল্যাট, অ্যাপার্টমেন্ট অথবা ফ্লোর স্পেসের মালিক ডেভেলপার বা কো-ডেভেলপারের অনুরূপ কার্যাবলি করেন তাহা হইলে তিনিও ইহার অন্তর্ভুক্ত হইবেন;

(চ) “ডেভেলপার বা রিয়েল এস্টেট ডেভেলপারের অনুরূপ কার্যাবলি” বলিতে নিম্নবর্ণিত বিষয়াদি অন্তর্ভুক্ত হইবে, যথা:

- (অ) কোন ব্যক্তি পণের বিনিময়ে অন্য কোন ব্যক্তির নিকট হইতে Irrevocable Power of Attorney মূলে কোন ভূমি বা ভবন উন্নয়নপূর্বক বিক্রয় করিলে;
- (আ) নিজের বা অন্যের ভূমির মধ্যে রাস্তা নির্মাণপূর্বক ভূমি বিক্রয় বা হস্তান্তর করিলে;
- (ই) নিজের ভূমিতে বা অন্যের ভূমিতে ভবন নির্মাণ করিয়া তাহা বাণিজ্যিক উদ্দেশ্যে বিক্রয় বা হস্তান্তর করিলে;
- (ঈ) কোন ক্ষেত্রে যদি দেখা যায় কোন বন্দোবস্তের (under any arrangement) অধীন কোন ভূমি বা ভবন বাণিজ্যিক উদ্দেশ্যে উন্নয়নপূর্বক বিক্রয় বা হস্তান্তর করা হইয়াছে:

তবে, নিম্নবর্ণিত ক্ষেত্রসমূহে “ডেভেলপার বা রিয়েল এস্টেট ডেভেলপারের অনুরূপ কার্যাবলি” বলিয়া গণ্য হইবে না, যথা:-

- (১) কোন ব্যক্তি যদি অর্থের প্রয়োজনে তাহার বৃহৎ একটি ভূমির খণ্ডাংশ বিক্রয় বা হস্তান্তর করেন;
- (২) নিজে ব্যবহারের উদ্দেশ্যে কোন ভূমি বা ভবন উন্নয়ন করিয়া পরবর্তীকালে তাহা একান্ত নিজস্ব প্রয়োজনে বিক্রয় বা হস্তান্তর করেন;

¹(৩) সমবায় সমিতি আইন, ২০০১ অনুসারে নিবন্ধিত সমবায় সমিতি যদি নিজ নামে নিবন্ধিত কোন ভূমি উক্ত সদস্যদের নিকট হস্তান্তর করে।

(ছ) “ধারা” অর্থ আয়কর আইন, ২০২৩ এর কোন ধারা;

(জ) “নির্দিষ্ট ব্যক্তি” অর্থ আয়কর আইন, ২০২৩ এর ধারা ১৪০ এর দফা (৩) এ সংজ্ঞায়িত নির্দিষ্ট ব্যক্তি;

(ঝ) “পরিশোধ” অর্থ আয়কর আইন, ২০২৩ এর ধারা ১৪০ এর দফা (৪) এ সংজ্ঞায়িত পরিশোধ;

²(ঝঝ) “ব্যক্তি” অর্থ আইনের ধারা ২ এর দফা (৬৯) এ সংজ্ঞায়িত ব্যক্তি;

(ঞ) “ব্যাংক ট্রান্সফার” অর্থ আয়কর আইন, ২০২৩ এর ধারা ২ এর দফা (৭২) এ সংজ্ঞায়িত ব্যাংক ট্রান্সফার;

(ট) “ভিত্তিমূল্য” অর্থ আয়কর আইন, ২০২৩ এর ধারা ১৪০ এর দফা (৫) এ সংজ্ঞায়িত ভিত্তিমূল্য।

৩। ঠিকাদার, ইত্যাদির পরিশোধের বিপরীতে উৎসে কর কর্তন।—

³(১) আইনের ধারা ৮৯ এর অধীন নিম্নবর্ণিত সারণিতে উল্লিখিত হার অনুযায়ী যেকোন পরিমাণ ভিত্তিমূল্যের উপর উৎসে কর কর্তন করিতে হইবে, যথা:-

সারণি

ক্রমিক	বর্ণনা	হার
(১)	(২)	(৩)

¹ এসআরও-১৫৭-আইন/আয়কর-১২/২০২৫, তারিখ ২৬ মে ২০২৫ দ্বারা প্রতিস্থাপিত।

² এসআরও-১৫৭-আইন/আয়কর-১২/২০২৫, তারিখ ২৬ মে ২০২৫ দ্বারা সংযোজিত।

³ এসআরও-১৫৭-আইন/আয়কর-১২/২০২৫, তারিখ ২৬ মে ২০২৫ দ্বারা প্রতিস্থাপিত।

১।	এমএস বিলেট উৎপাদনে নিয়োজিত শিল্প প্রতিষ্ঠানের ক্ষেত্রে এবং স্থানীয়ভাবে ত্রয়কৃত এমএস স্ক্র্যাপের ক্ষেত্রে	০.৫%
২।	পেট্রোলিয়াম তেল এবং লুব্রিকেট বিপণনে নিযুক্ত তেল বিপণন কোম্পানি কর্তৃক তেল সরবরাহের ক্ষেত্রে	০.৬%
৩।	পেট্রোলিয়াম তেল বিপণন কোম্পানির ডিলার বা এজেন্ট কর্তৃক তেল সরবরাহের ক্ষেত্রে	১%
৪।	ধান, ধানের কুড়া, চাল, গম, আলু, গবাদি পশু, মাছ, মাংস, পিঁয়াজ, রসুন, মটর, ছোলা, মসুর, আদা, হলুদ, শুকনা মরিচ, ডাল, ভূট্টা, আটা, ময়দা, লবণ, ভোজ্যতেল, চিনি, বীজ, পাটকাঠি, সরিষা, তিল, কাঁচা চা-পাতা, গোলমরিচ, এলাচ, দারুচিনি, লবঙ্গ, খেজুর, তেজপাতা এবং পাট সরবরাহের ক্ষেত্রে	০.৫%
৫।	তুলা এবং সুতা সরবরাহের ক্ষেত্রে	১%
৬।	সব ধরনের ফল সরবরাহের ক্ষেত্রে	২%
৭।	শতভাগ রপ্তানিমুখী গার্মেন্টস শিল্প কর্তৃক প্রদত্ত সাব কন্ট্রাক্ট এর ক্ষেত্রে	১%
৮।	এমএস বিলেট ব্যতীত সিমেন্ট, লৌহ বা লৌহ পণ্য, ফেরো অ্যালয় পণ্য উৎপাদনে নিয়োজিত শিল্প প্রতিষ্ঠানের ক্ষেত্রে	২%
৯।	তেলশোধন (oil refinery) কার্যক্রমে নিযুক্ত কোন কোম্পানি কর্তৃক তেল সরবরাহের ক্ষেত্রে	১.৫%
১০।	গ্যাস ট্রান্সমিশনে নিয়োজিত কোম্পানির ক্ষেত্রে	৩%
১১।	গ্যাস বিতরণে নিয়োজিত কোম্পানির ক্ষেত্রে	০.৬%
১২।	স্থানীয় পর্যায়ে নিজস্ব Vertical Continuous Vulcanization line রহিয়াছে এইরূপ কোন কোম্পানি কর্তৃক তৈয়ারকৃত ৩৩ কেভি হইতে ৫০০ কেভি Extra High Voltage Power Cable সরবরাহের ক্ষেত্রে	৩%
১৩।	সরকার, সরকারের কোন কর্তৃপক্ষ, করপোরেশন বা সরকারের সংস্থা এবং এর সকল সংযুক্ত ও অধীনস্থ অফিস ব্যতীত অন্য কোন ব্যক্তিকে বই সরবরাহের ক্ষেত্রে	৩%
১৪।	রিসাইকেল্ড সিসা সরবরাহের ক্ষেত্রে	৩%
১৫।	শিল্পোৎপাদনে ব্যবহৃত কাঁচামাল সরবরাহের ক্ষেত্রে	৩%
১৬।	রিসাইক্লিং শিল্পে ব্যবহৃত কাঁচামাল সরবরাহের ক্ষেত্রে	১.৫%
১৭।	ম্যানুফ্যাকচারিং, প্রসেস বা কনভারশন, পূর্ত কাজ, নির্মাণ, প্রকৌশল বা সমজাতীয় অন্য কোন কাজের ক্ষেত্রে	৫%
১৮।	সিগারেট, বিড়ি, জর্দা ও গুল শিল্পে তামাকজাত কাঁচামাল সরবরাহের ক্ষেত্রে	১০%
১৯।	ক। সারণির ক্রমিক নং ১ হইতে ১৮ তে বর্ণিত হয় নাই এমন সকল পণ্য সরবরাহের ক্ষেত্রে, এবং খ। ধারা ৮৯ এ উল্লিখিত অন্যান্য সকল ক্ষেত্রে-	৫%

তবে শর্ত থাকে যে, পেট্রোল পাম্প বা সিএনজি স্টেশন কর্তৃক তেল বা গ্যাস সরবরাহের ক্ষেত্রে উৎসে কর কর্তন প্রযোজ্য হইবে না।

- (২) যেইক্ষেত্রে কোন আমদানিকৃত পণ্যের বিপরীতে ধারা ১২০ এর অধীন কর পরিশোধিত হইয়াছে এবং উক্ত আমদানিকৃত পণ্য সরবরাহ করা হয়, সেইক্ষেত্রে উৎসে করের পরিমাণ (খ-ক) নিয়মে নির্ধারিত হইবে, যেখানে-

ক = ধারা ১২০ এর অধীন আমদানিকৃত পণ্যের উপর পরিশোধিত কর;

খ = ধারা ১২০ এর অধীন আমদানিকৃত পণ্যের উপর কোন উৎসে কর পরিশোধিত না থাকিলে ধারা ৮৯ এর অধীনে যেই পরিমাণ কর কর্তন করা হইত।

- (৩) যেইক্ষেত্রে ধারা ৯৪ এর অধীন উৎসে কর পরিশোধিত কোন পণ্য সরবরাহ করা হয়, সেইক্ষেত্রে উৎসে করের পরিমাণ (খ-ক) নিয়মে নির্ধারিত হইবে, যেখানে -

ক = ধারা ৯৪ এর অধীন পরিশোধিত কর;

খ = ধারা ৯৪ এর অধীন পণ্যের উপর কোন উৎসে কর পরিশোধিত না থাকিলে ধারা ৮৯ এর অধীন যেই পরিমাণ কর কর্তন করা হইত:

তবে শর্ত থাকে যে, ধারা ৯৪ তে বর্ণিত চুক্তি মোতাবেক কোন ডিস্ট্রিবিউটর অথবা অন্য কোন ব্যক্তি কর্তৃক পণ্য সরবরাহের ক্ষেত্রে এই উপ-বিধিতে বর্ণিত “খ” নিম্নরূপে পরিগণিত হইবে-

খ = {ধারা ৯৪ এর অধীন কোন ডিস্ট্রিবিউটর বা অন্য কোন ব্যক্তির নিকট কোম্পানির পণ্যের বিক্রয়মূল্য} \times ৫% \times ১০%।

- (৪) যেইক্ষেত্রে কোন আয়বর্ষে এই বিধির অধীন উৎসে কর কর্তনযোগ্য প্রাপক বা প্রাপকের আয় করমুক্ত বা হ্রাসকৃত হারে করারোপযোগ্য, সেইক্ষেত্রে উক্ত প্রাপকের আবেদনের ভিত্তিতে বোর্ড যাচাই সাপেক্ষে, ক্ষেত্রমত, এই মর্মে সনদ প্রদান করিবে যে উক্ত ব্যক্তিকে প্রদেয় কোন অর্থ যাহা হইতে এই বিধির অধীন কর কর্তন করিতে হইবে উহা কর কর্তন ব্যতিরেকে বা হ্রাসকৃত হারে কর্তনযোগ্য।

৪। সেবার ক্ষেত্রে পরিশোধ হইতে কর্তন।-

- ^৪(১) আইনের ধারা ৯০ এর অধীন কোন সেবার জন্য কোন নির্দিষ্ট ব্যক্তি কর্তৃক কোন নিবাসীকে কোন নির্দিষ্ট পরিমাণ অর্থ প্রদান করা হইলে অর্থ পরিশোধের জন্য দায়িত্বপ্রাপ্ত ব্যক্তি অর্থ পরিশোধের সময়, নিম্নবর্ণিত সারণি মোতাবেক উৎসে কর কর্তন করিবেন:-

সারণি

ক্রমিক	সেবার বিবরণ এবং পরিশোধের পরিমাণ		হার
(১)	(২)		(৩)
১।	উপদেষ্টা বা পরামর্শক	স্বাভাবিক ব্যক্তির ক্ষেত্রে	১৫%
		স্বাভাবিক ব্যক্তি ব্যতীত অন্যান্য ব্যক্তির ক্ষেত্রে	৭.৫%
২।	পেশাদার সেবা (professional service)	স্বাভাবিক ব্যক্তির ক্ষেত্রে	১৫%
		স্বাভাবিক ব্যক্তি ব্যতীত অন্যান্য ব্যক্তির ক্ষেত্রে	৭.৫%

^৪ এসআরও-১৫৭-আইন/আয়কর-১২/২০২৫, তারিখ ২৬ মে ২০২৫ দ্বারা প্রতিস্থাপিত।

৩।	কারিগরি সেবা ফি (technical services fee), বা কারিগরি সহায়তা ফি (technical know-how or technical assistance fee)		১০%
৪।	(ক) ক্যাটারিং; (খ) ক্লিনিং; (গ) সংগ্রহ এবং পুনরুদ্ধার এজেন্সি; (ঘ) ব্যক্তিগত নিরাপত্তা; (ঙ) জনবল সরবরাহ; (চ) ক্রিয়েটিভ মিডিয়া; (ছ) জনসংযোগ; (জ) ইভেন্ট পরিচালনা; (ঝ) প্রশিক্ষণ, কর্মশালা, ইত্যাদি পরিচালনা; (ঞ) কুরিয়ার সার্ভিস (ট) প্যাকিং এবং শিফটিং (ঠ) একই প্রকৃতির অন্যান্য সেবা	(১) কমিশন বা ফি এর উপরে (২) মোট বিল এর উপরে	১০% ২%
৫।	প্রিন্ট ও ইলেকট্রনিক মিডিয়া এজেন্সি সেবা	(১) কমিশন বা ফি এর উপরে	১০%
		(২) মোট বিল এর উপরে	০.৬৫%
৬।	ইন্ডেন্টিং কমিশন		৭.৫%
৭।	মিটিং ফি, ট্রেনিং ফি বা সম্মানী		১০%
৮।	মোবাইল নেটওয়ার্ক অপারেটর		১২%
৯।	ক্রেডিট রেটিং এজেন্সি		১০%
১০।	মোটর গ্যারেজ বা ওয়ার্কশপ		৮%
১১।	ব্যক্তিগত কন্টেইনার পোর্ট বা ডকইয়ার্ড		৮%
১২।	শিপিং এজেন্সি কমিশন		৮%
১৩।	স্টিভডোরিং/ বার্থ অপারেটর/টার্মিনাল অপারেটর/ শিপ হ্যান্ডলিং অপারেটর	(১) কমিশন বা ফি এর উপরে	১০%
		(২) মোট বিল এর উপরে	৫%
১৪।	(১) পরিবহণ সেবা, গাড়ি ভাড়া, ক্যারিয়ারিং সেবা এবং মেরামত ও রক্ষণাবেক্ষণ সেবা (২) রাইড শেয়ারিং সেবা, ওয়ার্কিং স্পেস সরবরাহ সেবা, আবাসন সরবরাহ সেবাসহ যেকোন প্রকার শেয়ারিং ইকনোমিক প্ল্যাটফর্ম		৫%
১৫।	বিদ্যুৎ সঞ্চালনায় নিমিত্ত হুইলিং চার্জ		৩%
১৬।	ইন্টারনেট সেবা		৫%
১৭।	মোবাইল ফাইন্যান্সিয়াল সেবা প্রদানকারী প্রতিষ্ঠানের এজেন্ট, ডিস্ট্রিবিউটর, এজেন্সি বা চ্যানেল পার্টনার, যে নামেই অভিহিত হউক না কেন		১০%
১৮।	ফ্রাইট ফরওয়ার্ড বাবদ পরিশোধিত কমিশনসহ বা কমিশন ব্যকিরেকে গ্রস বিলের উপর		১.৫%
১৯।	ক্রমিক নং ১ হইতে ১৮ তে বর্ণিত হয় নাই এইরূপ অন্য কোন সেবা যাহা আইনের অন্য কোন ধারার অধীন কর কর্তনযোগ্য নহে		১০%

তবে শর্ত থাকে যে,

- (ক) সারণির ক্রমিক নং ১ হইতে ১৮ এ বর্ণিত ক্ষেত্র ব্যতীত অন্য কোন সেবা যদি কোন ব্যাংক, ইন্স্যুরেন্স, আর্থিক প্রতিষ্ঠান বা মোবাইল ফাইন্যান্সিয়াল সেবা প্রদানকারী কোন প্রতিষ্ঠান কর্তৃক প্রদত্ত হয় উহার উপর এই বিধির অধীন কর কর্তন প্রযোজ্য হইবে না;
- (খ) যদি সারণির ক্রমিক নং ৪, ৫ ও ১ এ বর্ণিত উভয় ক্ষেত্রেই কমিশন বা ফি এবং মোট বিল প্রদর্শিত হয়, সেইক্ষেত্রে ‘ক’ ও ‘খ’ এর মধ্যে যাহা অধিক তাহা কর হিসাবে পরিশোধ করিতে হইবে, যখন:
- ‘ক’ অর্থ কমিশন বা ফি এর উপর সারণিতে প্রদত্ত সংশ্লিষ্ট হার প্রয়োগ করিয়া পরিগণিত কর; এবং
- ‘খ’ অর্থ মোট বিল এর উপর সারণিতে প্রদত্ত সংশ্লিষ্ট হার প্রয়োগ করিয়া পরিগণিত কর।
- (২) যেইক্ষেত্রে কোন আয়বর্ষে এই বিধির অধীন উৎসে কর কর্তনযোগ্য প্রাপক বা প্রাপকের আয় করমুক্ত বা হ্রাসকৃত হারে করারোপযোগ্য, সেইক্ষেত্রে উক্ত প্রাপকের আবেদনের ভিত্তিতে বোর্ড যাচাই সাপেক্ষে, ক্ষেত্রমত, এই মর্মে সনদ প্রদান করিবে যে উক্ত ব্যক্তিকে প্রদেয় কোন অর্থ যাহা হইতে এই বিধির অধীন কর কর্তন করিতে হইবে তাহা কোন কর কর্তন ব্যতিরেকে বা হ্রাসকৃত হারে কর্তনযোগ্য।

৫। অনিবাসীর আয় হইতে কর কর্তন বা সংগ্রহ।—

- (১) আইনের ধারা ১১৯ এর অধীন যেইক্ষেত্রে কোন নির্দিষ্ট ব্যক্তি বা দায়িত্বপ্রাপ্ত অন্য যেকোন ব্যক্তি কোন অনিবাসীকে এইরূপ কোন অর্থ পরিশোধ করেন যাহা এই আইনের অধীন উক্ত অনিবাসীর জন্য করযোগ্য, সেইক্ষেত্রে উক্ত অর্থ পরিশোধের সময় উক্ত অর্থ প্রদানকারী, যদি না তিনি নিজেই এজেন্ট হিসাবে কর পরিশোধের জন্য দায়বদ্ধ থাকেন, নিম্নবর্ণিত সারণিতে উল্লিখিত হারে কর কর্তন বা সংগ্রহ করিবেন, যথা:

^৫সারণি

ক্রমিক	পরিশোধের বর্ণনা		হার
(১)	(২)		(৩)
১।	উপদেষ্টা বা পরামর্শক	স্বাভাবিক ব্যক্তির ক্ষেত্রে	২০%
		স্বাভাবিক ব্যক্তি ব্যতীত অন্যান্য ব্যক্তির ক্ষেত্রে	১০%
২।	প্রি-শিপমেন্ট পরিদর্শন		২০%
৩।	পেশাদার সেবা (professional service)	স্বাভাবিক ব্যক্তির ক্ষেত্রে	২০%
		স্বাভাবিক ব্যক্তি ব্যতীত অন্যান্য ব্যক্তির ক্ষেত্রে	১০%
৪।	কারিগরি সেবা ফি বা কারিগরি সহায়তা ফি (technical services, technical know-how or technical assistance)		২০%
৫।	আর্কিটেকচার, ইন্টেরিয়র ডিজাইন বা ল্যান্ডস্কেপ ডিজাইন, ফ্যাশন ডিজাইন বা প্রসেস ডিজাইন		২০%
৬।	সার্টিফিকেশন, রেটিং, ইত্যাদি		২০%
৭।	স্যাটেলাইট, এয়ারটাইম বা ফ্রিকোয়েন্সি ব্যবহার বাবদ ভাড়া বা অন্য কোন ব্যয়/ চ্যানেল		২০%

^৫ এসআরও-১৫৭-আইন/আয়কর-১২/২০২৫, তারিখ ২৬ মে ২০২৫ দ্বারা প্রতিস্থাপিত।

ক্রমিক	পরিশোধের বর্ণনা	হার
(১)	(২)	(৩)
	সম্প্রচার বাবদ ভাড়া	
৮।	আইনি সেবা	২০%
৯।	ইভেন্ট ম্যানেজমেন্টসহ ব্যবস্থাপনা সেবা	২০%
১০।	কমিশন	২০%
১১।	রয়্যালটি, লাইসেন্স ফি বা স্পর্শাতিত সম্পত্তির জন্য পরিশোধিত অর্থ	২০%
১২।	সুদ	২০%
১৩।	বিজ্ঞাপন সম্প্রচার	২০%
১৪।	বিজ্ঞাপন নির্মাণ ও ডিজিটাল মার্কেটিং	১৫%
১৫।	ধারা ২৫৯ এবং ধারা ২৬০ এ উল্লিখিত ক্ষেত্রসমূহ ব্যতীত নৌ পরিবহণ বা বিমান পরিবহণ	৭.৫%
১৬।	কন্সট্রাক্টর, সাব-কন্সট্রাক্টর ও সাব-সাব-কন্সট্রাক্টর কর্তৃক ম্যানুফ্যাকচারিং, প্রসেস বা কনভারশন, পূর্ত কাজ, নির্মাণ, প্রকৌশল বা সমজাতীয় অন্য কোন কাজের ক্ষেত্রে	৭.৫%
১৭।	পণ্য সরবরাহ	৭.৫%
১৮।	মূলধনি মুনাফা	১৫%
১৯।	বিমা প্রিমিয়াম	১০%
২০।	যন্ত্রপাতি, সরঞ্জাম ইত্যাদি ভাড়া	১৫%
২১।	লভ্যাংশ	
	(১) কোম্পানি, তহবিল বা ট্রাস্ট কর্তৃক গৃহীত হইলে	২০%
	(২) কোম্পানি, তহবিল বা ট্রাস্ট ব্যতীত অন্যান্য ব্যক্তি কর্তৃক গৃহীত হইলে	৩০%
২২।	শিল্পী, গায়ক বা খেলোয়াড় কর্তৃক গৃহীত অর্থ	৩০%
২৩।	বেতন বা পারিশ্রমিক	৩০%
২৪।	পেট্রোলিয়াম অপারেশনের অনুসন্ধান বা ড্রিলিং	৫.২৫%
২৫।	কয়লা, তেল বা গ্যাস অনুসন্ধানের জন্য সমীক্ষা	২০%
২৬।	জেনারেল ইন্স্যুরেন্স কোম্পানির সার্ভেয়ার ফি, ইত্যাদি	৫.২৫%
২৭।	তেল বা গ্যাসক্ষেত্র এবং এর রপ্তানি পয়েন্টের মধ্যে সংযোগ স্থাপনের জন্য যেকোন সেবা	৫.২৫%
২৮।	ব্যান্ডউইথ বাবদ পরিশোধ	১০%
২৯।	কুরিয়ার সার্ভিস	১৫%
৩০।	অন্য কোন পরিশোধ	২০%

তবে শর্ত থাকে যে, যখন কোন কোম্পানির শেয়ার হস্তান্তর হইতে কোন মূলধনি আয় উদ্ভূত হয়, তবে, ক্ষেত্র মোতাবেক, উক্ত হস্তান্তর বাস্তবায়নের জন্য দায়ী ব্যক্তি বা কর্তৃপক্ষ উক্তরূপ হস্তান্তর কার্যকর করিবেন না যদি না উক্তরূপ হস্তান্তরের ফলে উদ্ভূত মূলধনি আয়ের উপর কর পরিশোধ করা না হয়।

- (২) যেইক্ষেত্রে বোর্ড, এতদুদ্দেশ্যে প্রয়োজনীয় কাগজপত্রসহ প্রাপ্ত আবেদনের ভিত্তিতে সন্তুষ্ট হইয়া আবেদন প্রাপ্তির ৩০ দিনের মধ্যে এই মর্মে সনদ প্রদান করে যে, কোন অনিবাসীকে কর চুক্তি বা অন্য কোন কারণে বাংলাদেশে কোন কর প্রদান করিতে হইবে না বা হ্রাসকৃত হারে কর প্রদান করিতে হইবে, সেইক্ষেত্রে উপ-বিধি (১) এ উল্লিখিত পরিশোধ কর কর্তন ব্যতিরেকে বা হ্রাসকৃত হারে কর কর্তনপূর্বক করা যাইবে।

^৬(৩) নিম্নবর্ণিত অতিরিক্তিক ব্যয় বা পরিশোধের ক্ষেত্রে বিধি (৫) এর অধীন কর কর্তন প্রযোজ্য হইবে না, যথা:

- (ক) বৈদেশিক কোন রাষ্ট্রের কোন সরকারি কর্তৃপক্ষ বরাবরে কোন পরিশোধ;
- (খ) আন্তর্জাতিকভাবে স্বীকৃত কোন প্রফেশনাল বডির সাবস্ক্রিপশন ফি বাবদ পরিশোধিত অর্থ;
- (গ) লিয়াজেঁ অফিস বা শাখা অফিস ব্যয়;
- (ঘ) বাংলাদেশ ব্যাংক Guidelines for Foreign Exchange Transactions অনুযায়ী Authorised Dealer (AD) যাচাইকৃত টিউশন ফি;
- (ঙ) আন্তর্জাতিক বিপণন ব্যয় ও পণ্য উন্নয়ন ব্যয়;
- (চ) যেকোন প্রকারের নিরাপত্তা জামানত;
- (ছ) আরবিট্রেশন ফি;
- (জ) হজ্ব বাবদ প্রেরিত অর্থ;
- (ঝ) প্রয়োজিটি পাস বাবদ প্রেরিত অর্থ।

৬। সম্পত্তি হস্তান্তর হইতে কর সংগ্রহ।—

- (১) ধারা ১২৫ এর অধীন উৎসে কর সংগ্রহের ক্ষেত্রে Registration Act, 1908 এর section 17 এর sub-section (1) এর clauses ^৭[(a), (aa), (aaa),] (b), (c) বা (e) এর অধীন দলিল দস্তাবেজ নিবন্ধনের জন্য দায়িত্বপ্রাপ্ত কোন নিবন্ধন কর্মকর্তা কোন দলিল দস্তাবেজ নিবন্ধন করিবেন না, যদি না সম্পত্তি হস্তান্তরকারী নিম্নবর্ণিত সারণিদ্বয়ে নির্ধারিত হারে কর পরিশোধের প্রমাণ হিসাবে পে-অর্ডারের কপি নিবন্ধনের আবেদনের সহিত সংযুক্ত করেন, যথা:-

^৮সারণি-১

ক্র	মোজা	ক-শ্রেণির করহার	খ-শ্রেণির করহার	গ-শ্রেণির করহার	ঘ-শ্রেণির করহার	ঙ-শ্রেণির করহার	চ-শ্রেণির করহার
(১)	(২)	(৩)	(৪)	(৫)	(৬)	(৭)	(৮)
১।	ঢাকা জেলার গুলশান, বনানী, মতিঝিল ও তেজগাঁও থানার অন্তর্গত সকল মোজা	দলিলে উল্লিখিত ভূমির মূল্যের ৫% বা শতক প্রতি ৯,০০,০০০ টাকা যাহা অধিক	দলিলে উল্লিখিত ভূমির মূল্যের ৫% বা শতক প্রতি ৩,৫০,০০০ টাকা যাহা অধিক	দলিলে উল্লিখিত ভূমির মূল্যের ৫% বা শতক প্রতি ৯,০০,০০০ টাকা যাহা অধিক	দলিলে উল্লিখিত ভূমির মূল্যের ৫% বা শতক প্রতি ৩,৫০,০০০ টাকা যাহা অধিক	দলিলে উল্লিখিত ভূমির মূল্যের ৫% বা শতক প্রতি ৫,০০,০০০ টাকা যাহা অধিক।	দলিলে উল্লিখিত ভূমির মূল্যের ৫% বা শতক প্রতি ৩,০০,০০০ টাকা যাহা অধিক।

^৬ এসআরও-১৫৭-আইন/আয়কর-১২/২০২৫, তারিখ ২৬ মে ২০২৫ দ্বারা প্রতিস্থাপিত। উপ-বিধি (৩) এর দফা (ছ), (জ) ও (ঝ) অন্তর্ভুক্ত করার কারণে আইনের ধারা ১১৯ এর উপ-ধারা (৬) বিলোপ করা হয়েছে, কারণ উক্ত উপ-ধারাতে একই বিষয় অন্তর্ভুক্ত ছিল।

^৭ এসআরও নং-২৪৮-আইন/আয়কর-৪২/২০২৪, তারিখ: ২৭ জুন ২০২৪ দ্বারা বিলুপ্ত।

^৮ এসআরও-২৬-আইন/আয়কর-১৪/২০২৫, তারিখ ২৪ জুন ২০২৫ দ্বারা প্রতিস্থাপিত।

ক্র	মোজা	ক-শ্রেণির করহার	খ-শ্রেণির করহার	গ-শ্রেণির করহার	ঘ-শ্রেণির করহার	ঙ-শ্রেণির করহার	চ-শ্রেণির করহার
(১)	(২)	(৩)	(৪)	(৫)	(৬)	(৭)	(৮)
২।	ঢাকা জেলার ধানমণ্ডি, ওয়ারী, তেজগাঁও শিল্পাঞ্চল থানা, শাহবাগ, রমনা, পল্টন, বংশাল, নিউমার্কেট ও কলাবাগান থানার অন্তর্গত সকল মোজা	দলিলে উল্লিখিত ভূমির মূল্যের ৫% বা শতক প্রতি ৬,৫০,০০০ টাকা যাহা অধিক	দলিলে উল্লিখিত ভূমির মূল্যের ৫% বা শতক প্রতি ৩,০০,০০০ টাকা যাহা অধিক	দলিলে উল্লিখিত ভূমির মূল্যের ৫% বা শতক প্রতি ৬,৫০,০০০ টাকা যাহা অধিক	দলিলে উল্লিখিত ভূমির মূল্যের ৫% বা শতক প্রতি ৩,০০,০০০ টাকা যাহা অধিক	দলিলে উল্লিখিত ভূমির মূল্যের ৫% বা শতক প্রতি ৩,০০,০০০ টাকা যাহা অধিক।	দলিলে উল্লিখিত ভূমির মূল্যের ৫% বা শতক প্রতি ২,০০,০০০ টাকা যাহা অধিক।
৩।	ঢাকা জেলার কাফরুল, মোহাম্মদপুর, সূত্রাপুর, যাত্রাবাড়ী, উত্তরা মডেল থানা, ক্যান্টনমেন্ট থানা, চকবাজার থানা, কোতোয়ালি থানা, লালবাগ থানা, খিলগাঁও, শ্যামপুর ও গেন্ডারিয়া থানার অন্তর্গত সকল মোজা	দলিলে উল্লিখিত ভূমির মূল্যের ৫% বা শতক প্রতি ৪,০০,০০০ টাকা যাহা অধিক	দলিলে উল্লিখিত ভূমির মূল্যের ৫% বা শতক প্রতি ১,৭৫,০০০ টাকা যাহা অধিক	দলিলে উল্লিখিত ভূমির মূল্যের ৫% বা শতক প্রতি ৪,০০,০০০ টাকা যাহা অধিক	দলিলে উল্লিখিত ভূমির মূল্যের ৫% বা শতক প্রতি ১,৭৫,০০০ টাকা যাহা অধিক	দলিলে উল্লিখিত ভূমির মূল্যের ৫% বা শতক প্রতি ১,৭৫,০০০ টাকা যাহা অধিক।	দলিলে উল্লিখিত ভূমির মূল্যের ৫% বা শতক প্রতি ৮৫,০০০ টাকা যাহা অধিক।
৪।	ঢাকা জেলার খিলক্ষেত, বিমানবন্দর, উত্তরা পশ্চিম, মুগদা, রূপনগর, ভাষানটেক,	দলিলে উল্লিখিত ভূমির মূল্যের ৫% বা শতক প্রতি ৩,৫০,০০০ টাকা যাহা	দলিলে উল্লিখিত ভূমির মূল্যের ৫% বা শতক প্রতি ১,৫০,০০০	দলিলে উল্লিখিত ভূমির মূল্যের ৫% বা শতক প্রতি ৩,৫০,০০০ টাকা যাহা	দলিলে উল্লিখিত ভূমির মূল্যের ৫% বা শতক প্রতি ১,৫০,০০০	দলিলে উল্লিখিত ভূমির মূল্যের ৫% বা শতক প্রতি ১,৫০,০০০	দলিলে উল্লিখিত ভূমির মূল্যের ৫% বা শতক প্রতি ৭৫,০০০

ক্র	মোজা	ক-শ্রেণির করহার	খ-শ্রেণির করহার	গ-শ্রেণির করহার	ঘ-শ্রেণির করহার	ঙ-শ্রেণির করহার	চ-শ্রেণির করহার
(১)	(২)	(৩)	(৪)	(৫)	(৬)	(৭)	(৮)
	বাড্ডা থানা, পল্লবী থানা, ভাটারা, শাহজাহানপুর, মিরপুর মডেল থানা, দারুস সালাম থানা, দক্ষিণখান থানা, উত্তরখান থানা, তুরাগ থানা, শাহ আলী থানা, সবুজবাগ থানা, কদমতলী থানা, কামরাসঙ্গীরচর থানা, হাজারীবাগ, ডেমরা ও আদাবর থানার অন্তর্গত সকল মোজা; এবং নারায়ণগঞ্জ জেলার সদর থানার অন্তর্গত সকল মোজা	অধিক	টাকা যাহা অধিক	অধিক	টাকা যাহা অধিক	টাকা যাহা অধিক।	টাকা যাহা অধিক।
৫।	চট্টগ্রাম জেলার খুলশী, পাঁচলাইশ, পাহাড়তলী, হালিশহর ও কোতোয়ালী থানার অন্তর্গত সকল মোজা; নারায়ণগঞ্জ জেলার সোনারগাঁও, ফতুল্লা,	দলিলে উল্লিখিত ভূমির মূল্যের ৩% বা শতক প্রতি ১,৭৫,০০০ টাকা যাহা অধিক	দলিলে উল্লিখিত ভূমির মূল্যের ৩% বা শতক প্রতি ৭০,০০০ টাকা যাহা অধিক	দলিলে উল্লিখিত ভূমির মূল্যের ৩% বা শতক প্রতি ১,৭৫,০০০ টাকা যাহা অধিক	দলিলে উল্লিখিত ভূমির মূল্যের ৩% বা শতক প্রতি ৭০,০০০ টাকা যাহা অধিক	দলিলে উল্লিখিত ভূমির মূল্যের ৩% বা শতক প্রতি ৭০,০০০ টাকা যাহা অধিক।	দলিলে উল্লিখিত ভূমির মূল্যের ৩% বা শতক প্রতি ৩৫,০০০ টাকা যাহা অধিক।

ক্র	মৌজা	ক-শ্রেণির করহার	খ-শ্রেণির করহার	গ-শ্রেণির করহার	ঘ-শ্রেণির করহার	ঙ-শ্রেণির করহার	চ-শ্রেণির করহার
(১)	(২)	(৩)	(৪)	(৫)	(৬)	(৭)	(৮)
	সিদ্ধিরগঞ্জ, বন্দর থানার অন্তর্গত সকল মৌজা এবং গাজীপুর জেলার সদর, বাসন, কোনাবাড়ী, গাছা, টঙ্গী পূর্ব ও টঙ্গী পশ্চিম থানার অন্তর্গত সকল মৌজা						
৬।	ঢাকা জেলার দোহার, নবাবগঞ্জ, কেরানীগঞ্জ, সাভার ও ধামরাই থানার অন্তর্গত সকল মৌজা; চট্টগ্রাম জেলার আকবর শাহ, ইপিজেড, কর্ণফুলী, চকবাজার, চান্দগাঁও, ডবলমুরিং, পতেঙ্গা, পাঁচলাইশ, বন্দর, বাকলিয়া, বায়েজিদ বোস্তামি ও সদরঘাট থানার অন্তর্গত সকল মৌজা; গাজীপুর জেলার জয়দেবপুর	দলিলে উল্লিখিত ভূমির মূল্যের ৩% বা শতক প্রতি ১,২৫,০০০ টাকা যাহা অধিক	দলিলে উল্লিখিত ভূমির মূল্যের ৩% বা শতক প্রতি ৬০,০০০ টাকা যাহা অধিক	দলিলে উল্লিখিত ভূমির মূল্যের ৩% বা শতক প্রতি ১,২৫,০০০ টাকা যাহা অধিক	দলিলে উল্লিখিত ভূমির মূল্যের ৩% বা শতক প্রতি ৬০,০০০ টাকা যাহা অধিক	দলিলে উল্লিখিত ভূমির মূল্যের ৩% বা শতক প্রতি ৬০,০০০ টাকা যাহা অধিক।	দলিলে উল্লিখিত ভূমির মূল্যের ৩% বা শতক প্রতি ৩০,০০০ টাকা যাহা অধিক।

ক্র	মৌজা	ক-শ্রেণির করহার	খ-শ্রেণির করহার	গ-শ্রেণির করহার	ঘ-শ্রেণির করহার	ঙ-শ্রেণির করহার	চ-শ্রেণির করহার
(১)	(২)	(৩)	(৪)	(৫)	(৬)	(৭)	(৮)
	থানা ও কালীগঞ্জ থানার অন্তর্গত সকল মৌজা; এবং নারায়ণগঞ্জ জেলার রূপগঞ্জ ও আড়াইহাজার থানার অন্তর্গত সকল মৌজা						
৭।	ক্রমিক নং ১ হইতে ৬ এর অন্তর্গত নয় কিন্তু ঢাকা দক্ষিণ, ঢাকা উত্তর, চট্টগ্রাম, নারায়ণগঞ্জ ও গাজীপুর সিটি করপোরেশন ব্যতীত অন্যান্য সিটি করপোরেশন ও অন্য কোন উন্নয়ন কর্তৃপক্ষ এবং জেলা সদরে অবস্থিত সকল পৌরসভার অন্তর্গত সকল মৌজা	দলিলে উল্লিখিত ভূমির মূল্যের ৩% বা শতক প্রতি ১,০০,০০০ টাকা যাহা অধিক	দলিলে উল্লিখিত ভূমির মূল্যের ৩% বা শতক প্রতি ৫০,০০০ টাকা যাহা অধিক	দলিলে উল্লিখিত ভূমির মূল্যের ৩% বা শতক প্রতি ১,০০,০০০ টাকা যাহা অধিক	দলিলে উল্লিখিত ভূমির মূল্যের ৩% বা শতক প্রতি ৫০,০০০ টাকা যাহা অধিক	দলিলে উল্লিখিত ভূমির মূল্যের ৩% বা শতক প্রতি ৫০,০০০ টাকা যাহা অধিক।	দলিলে উল্লিখিত ভূমির মূল্যের ৩% বা শতক প্রতি ২৫,০০০ টাকা যাহা অধিক।

সারণি-২

ক্রমিক	মৌজা	করহার
(১)	(২)	(৩)
১।	সারণি-১ এর অন্তর্গত নহে এইরূপ অন্য যেকোন পৌরসভার অন্তর্গত সকল মৌজা	দলিলে উল্লিখিত ভূমির মূল্যের ২% বা শত প্রতি ১০,০০০ টাকা যাহা অধিক

ক্রমিক	মৌজা	করহার
(১)	(২)	(৩)
১।	সারণি-১ এর অন্তর্গত নহে এইরূপ অন্য যেকোন পৌরসভার অন্তর্গত সকল মৌজা	দলিলে উল্লিখিত ভূমির মূল্যের ২% বা শত প্রতি ১০,০০০ টাকা যাহা অধিক
২।	সারণি-২ এর ক্রমিক নং ১ এবং সারণি-১ এর অন্তর্গত নহে এইরূপ সকল উপজেলার (পৌরসভা ব্যতীত) অন্তর্গত সকল মৌজা	দলিলে উল্লিখিত ভূমির মূল্যের ২% বা শতক প্রতি ৫০০ টাকা যাহা অধিক।

- (২) উপ-বিধি (১) এর অধীনে নিবন্ধিত ভূমিতে কোন স্থাপনা, বাড়ি, ফ্ল্যাট, অ্যাপার্টমেন্ট অথবা ফ্লোর স্পেস থাকিলে নিম্নের সারণিতে উল্লিখিত হারে অতিরিক্ত কর প্রযোজ্য হইবে, যথা:-

সারণি

ক্রমিক	বর্ণনা	করহার
(১)	(২)	(৩)
১।	শ্রেণি-ক হইতে শ্রেণি-ঘ এ উল্লিখিত ভূমিতে অবস্থিত স্থাপনা, বাড়ি, ফ্ল্যাট, অ্যাপার্টমেন্ট অথবা ফ্লোর স্পেস এর ক্ষেত্রে	প্রতি বর্গমিটারে ৮০০ টাকা হারে অথবা উক্ত স্থাপনা, বাড়ি, ফ্ল্যাট, অ্যাপার্টমেন্ট অথবা ফ্লোর স্পেস এর দলিলে উল্লিখিত মূল্যের ৮%, এর মধ্যে যাহা অধিক;
২।	শ্রেণি-ঙ-তে উল্লিখিত ভূমিতে অবস্থিত স্থাপনা, বাড়ি, ফ্ল্যাট, অ্যাপার্টমেন্ট অথবা ফ্লোর স্পেস এর ক্ষেত্রে এবং সারণি-২ এর ক্রমিক নং ১ এ উল্লিখিত মৌজার ভূমিতে অবস্থিত স্থাপনা, বাড়ি, ফ্ল্যাট, অ্যাপার্টমেন্ট অথবা ফ্লোর স্পেস এর ক্ষেত্রে	প্রতি বর্গমিটারে ৫০০ টাকা হারে অথবা উক্ত স্থাপনা, বাড়ি, ফ্ল্যাট, অ্যাপার্টমেন্ট অথবা ফ্লোর স্পেস এর দলিলে উল্লিখিত মূল্যের ৬%, এর মধ্যে যাহা অধিক;
৩।	অন্যান্য ক্ষেত্রে	প্রতি বর্গমিটারে ৩০০ টাকা হারে অথবা উক্ত স্থাপনা, বাড়ি, ফ্ল্যাট, অ্যাপার্টমেন্ট অথবা ফ্লোর স্পেস এর দলিলে উল্লিখিত মূল্যের ৬%, এর মধ্যে যাহা অধিক।

- (৩) প্রতিটি দলিলের মন্তব্য কলামে ভূমি বা স্থাপনা, বাড়ি, ফ্ল্যাট, অ্যাপার্টমেন্ট অথবা ফ্লোর স্পেসের প্রকৃতি আবাসিক, বাণিজ্যিক নাকি ^৭শিল্প এ বিষয়ে সুস্পষ্ট বর্ণনার অনুপস্থিতিতে এই বিধির অধীন সঠিকভাবে কর সংগ্রহ হয় নাই মর্মে গণ্য হইবে।
- (৪) ^{১০}[সরকার বা] সংবিধিবদ্ধ সরকারি কোন কর্তৃপক্ষ কর্তৃক কোন ভূমি বা স্থাপনা, বাড়ি, ফ্ল্যাট, অ্যাপার্টমেন্ট অথবা ফ্লোর স্পেস হস্তান্তরের দলিল নিবন্ধনের ক্ষেত্রে এই বিধির অধীন কর কর্তন প্রযোজ্য হইবে।
- (৫) নিম্নবর্ণিত ক্ষেত্রসমূহে এই বিধির অধীন কর সংগ্রহ প্রযোজ্য হইবে না, যথা:-

^৭ এসআরও-১৫৭-আইন/আয়কর-১২/২০২৫, তারিখ ২৬ মে ২০২৫ দ্বারা সংযোজিত।

^{১০} এসআরও-৩৬২-আইন/আয়কর-১৭/২০২৫, তারিখ ১১ সেপ্টেম্বর ২০২৫ দ্বারা বিলুপ্ত।

- (ক) কোন ভূমি বা স্থাপনা, বাড়ি, ফ্ল্যাট, অ্যাপার্টমেন্ট অথবা ফ্লোর স্পেস বন্ধক রাখা হইলে উক্ত বন্ধকী দলিল নিবন্ধন;
- (খ) জাতিসংঘ বা ইহার অঙ্গসংস্থা অথবা কোন বিদেশি দূতাবাস বা মিশন কর্তৃক কোন ভূমি বা স্থাপনা, বাড়ি, ফ্ল্যাট, অ্যাপার্টমেন্ট অথবা ফ্লোর স্পেস হস্তান্তরের দলিল নিবন্ধন;
- (গ) স্বত্বের বিলোপ হয় না এইরূপ না-দাবি দলিল নিবন্ধন;
- (ঘ) বণ্টননামা দলিল নিবন্ধন;
- (ঙ) ওয়াক্ফ বা দেবোত্তর দান দলিল নিবন্ধন;
- ¹¹(চ) পণ বা পণের বিকল্প কোন সুবিধাবিহীন দলিল, যেমন: দান, উইল, অছিয়ত বা এওয়াজ অথবা বিনিময় দলিল নিবন্ধন।

¹²[(ছ) কেবল স্বামী-স্ত্রী, পিতা-মাতা বা সন্তানের মধ্যকার দান বা হেবা দলিল নিবন্ধন।]

- (৬) সিটি কর্পোরেশন, পৌরসভা ও ক্যান্টনমেন্ট বোর্ড এলাকায় ¹³[১০ লক্ষাধিক টাকার] ভূমি, স্থাপনা, বাড়ি, ফ্ল্যাট, অ্যাপার্টমেন্ট অথবা ফ্লোর স্পেস বিক্রয় বা হস্তান্তর বা বায়নানামা বা আমমোক্তারনামা নিবন্ধনকালে দাতা ও গ্রহীতার রিটার্ন দাখিলের প্রমাণ (Proof of Submission of Return or PSR) উপস্থাপন ব্যতীত উক্তরূপ নিবন্ধন সম্পন্ন করা যাইবে না।
- (৭) এই বিধির অধীন দাখিলকৃত প্রতিটি পে-অর্ডার নিম্নবর্ণিত সারণি মোতাবেক পৃথক পৃথক এ-চালানের মাধ্যমে সরকারি কোষাগারে জমা করিতে হইবে, যথা:-

ক্রমিক	পে-অর্ডার সংগ্রহের সময়	এ-চালানের মাধ্যমে জমার সময়
(১)	(২)	(৩)
১।	অর্থ বৎসরের জুলাই মাসের প্রথম সপ্তাহ হইতে জুন মাসের তৃতীয় সপ্তাহ পর্যন্ত	যে সপ্তাহে সংগৃহীত হইয়াছে উহার পরবর্তী সপ্তাহের প্রথম কর্মদিবসের মধ্যে।
২।	অর্থ বৎসরের জুন মাসের শেষ সপ্তাহে	যে দিন সংগৃহীত হইয়াছে উহার পরবর্তী কর্মদিবসের মধ্যে।
৩।	অর্থ বৎসরের জুন মাসের শেষ কর্মদিবস	অর্থ বৎসরের জুন মাসের শেষ কর্মদিবসের মধ্যে।

¹⁴[(চ) এই বিধির উদ্দেশ্যপূরণকল্পে,-

- (ক) “ক-শ্রেণি” বলিতে রাজধানী উন্নয়ন কর্তৃপক্ষ, চট্টগ্রাম উন্নয়ন কর্তৃপক্ষ, গাজীপুর উন্নয়ন কর্তৃপক্ষ, জাতীয় গৃহায়ন কর্তৃপক্ষ, গণপূর্ত অধিদপ্তর এবং ক্যান্টনমেন্ট বোর্ড এর নিয়ন্ত্রণাধীন এলাকার বাণিজ্যিক প্লটকে বুঝাইবে;

¹¹এসআরও নং-২৪৮-আইন/আয়কর-৪২/২০২৪, তারিখ: ২৭ জুন ২০২৪ দ্বারা প্রতিস্থাপিত।

¹²এসআরও নং-২৪৮-আইন/আয়কর-৪২/২০২৪, তারিখ: ২৭ জুন ২০২৪ দ্বারা বিলুপ্ত।

¹³এসআরও-১৫৭-আইন/আয়কর-১২/২০২৫, তারিখ ২৬ মে ২০২৫ দ্বারা বিলুপ্ত। এ পরিবর্তনের ফলে উল্লিখিত এলাকায় যেকোন মূল্যের জমি নিবন্ধনে রিটার্ন দাখিলের প্রমাণ দাখিল বাধ্যতামূলক করা হয়েছে।

¹⁴এসআরও-৩৬২-আইন/আয়কর-১৭/২০২৫, তারিখ ১১ সেপ্টেম্বর ২০২৫ দ্বারা নতুন উপ-বিধি (চ) প্রতিস্থাপিত।

- (খ) “খ-শ্রেণি” বলিতে রাজধানী উন্নয়ন কর্তৃপক্ষ, চট্টগ্রাম উন্নয়ন কর্তৃপক্ষ, গাজীপুর উন্নয়ন কর্তৃপক্ষ, জাতীয় গৃহায়ন কর্তৃপক্ষ, গণপূর্ত অধিদপ্তর এবং ক্যান্টনমেন্ট বোর্ড এর নিয়ন্ত্রণাধীন এলাকার আবাসিক প্লটকে বুঝাইবে;
- (গ) “গ-শ্রেণি” বলিতে রাজধানী উন্নয়ন কর্তৃপক্ষ, চট্টগ্রাম উন্নয়ন কর্তৃপক্ষ, গাজীপুর উন্নয়ন কর্তৃপক্ষ, জাতীয় গৃহায়ন কর্তৃপক্ষ, গণপূর্ত অধিদপ্তর এবং ক্যান্টনমেন্ট বোর্ড এর নিয়ন্ত্রণাধীন নহে কিন্তু ডেভেলপার বা রিয়েল এস্টেট ডেভেলপার কর্তৃক প্রতিষ্ঠিত এলাকার বাণিজ্যিক প্লটকে বুঝাইবে;
- (ঘ) “ঘ-শ্রেণি” বলিতে রাজধানী উন্নয়ন কর্তৃপক্ষ, চট্টগ্রাম উন্নয়ন কর্তৃপক্ষ, গাজীপুর উন্নয়ন কর্তৃপক্ষ, জাতীয় গৃহায়ন কর্তৃপক্ষ, গণপূর্ত অধিদপ্তর এবং ক্যান্টনমেন্ট বোর্ড এর নিয়ন্ত্রণাধীন নহে কিন্তু ডেভেলপার বা রিয়েল এস্টেট ডেভেলপার কর্তৃক প্রতিষ্ঠিত এলাকার আবাসিক প্লটকে বুঝাইবে;
- (ঙ) “ঙ-শ্রেণি” অর্থে সকল শিল্প প্লটকে বুঝাইবে
- ¹⁵(চ) “চ-শ্রেণি” বলিতে “ক-শ্রেণি”, “খ-শ্রেণি”, “গ-শ্রেণি”, “ঘ-শ্রেণি” ও “ঙ-শ্রেণি” ব্যতীত অন্যান্য এলাকা বুঝাইবে;
- [(চ) “কাঠা” বলিতে ১.৬৫ শতাংশ ভূমি বুঝাইবে;
- (ছ) “বাণিজ্যিক প্লট” অর্থে সকল শিল্প প্লটও অন্তর্ভুক্ত হইবে।]]

¹⁶[(চ) এই বিধির উদ্দেশ্যপূরণকল্পে,-

- (ক) “ক-শ্রেণি” বলিতে জাতীয় গৃহায়ন কর্তৃপক্ষ, গণপূর্ত অধিদপ্তর, ক্যান্টনমেন্ট বোর্ড, রাজধানী উন্নয়ন কর্তৃপক্ষ, চট্টগ্রাম উন্নয়ন কর্তৃপক্ষ, গাজীপুর উন্নয়ন কর্তৃপক্ষ, খুলনা উন্নয়ন কর্তৃপক্ষ, রাজশাহী উন্নয়ন কর্তৃপক্ষ, কক্সবাজার উন্নয়ন কর্তৃপক্ষসহ গৃহায়ন ও গণপূর্ত মন্ত্রণালয়ের আওতাধীন অনুরূপ অন্য যে-কোনো উন্নয়ন কর্তৃপক্ষের নিয়ন্ত্রণাধীন এলাকার বাণিজ্যিক প্লটকে বুঝাইবে;
- (খ) “খ-শ্রেণি” বলিতে জাতীয় গৃহায়ন কর্তৃপক্ষ, গণপূর্ত অধিদপ্তর, ক্যান্টনমেন্ট বোর্ড, রাজধানী উন্নয়ন কর্তৃপক্ষ, চট্টগ্রাম উন্নয়ন কর্তৃপক্ষ, গাজীপুর উন্নয়ন কর্তৃপক্ষ, খুলনা উন্নয়ন কর্তৃপক্ষ, রাজশাহী উন্নয়ন কর্তৃপক্ষ, কক্সবাজার উন্নয়ন কর্তৃপক্ষসহ গৃহায়ন ও গণপূর্ত মন্ত্রণালয়ের আওতাধীন অনুরূপ অন্য যে-কোনো উন্নয়ন কর্তৃপক্ষের নিয়ন্ত্রণাধীন এলাকার আবাসিক প্লটকে বুঝাইবে;
- (গ) “গ-শ্রেণি” বলিতে জাতীয় গৃহায়ন কর্তৃপক্ষ, গণপূর্ত অধিদপ্তর, ক্যান্টনমেন্ট বোর্ড, রাজধানী উন্নয়ন কর্তৃপক্ষ, চট্টগ্রাম উন্নয়ন কর্তৃপক্ষ, গাজীপুর উন্নয়ন কর্তৃপক্ষ, খুলনা উন্নয়ন কর্তৃপক্ষ, রাজশাহী উন্নয়ন কর্তৃপক্ষ, কক্সবাজার উন্নয়ন কর্তৃপক্ষসহ গৃহায়ন ও গণপূর্ত মন্ত্রণালয়ের আওতাধীন অনুরূপ অন্য যে-কোনো উন্নয়ন কর্তৃপক্ষের নিয়ন্ত্রণাধীন নহে কিন্তু ডেভেলপার বা রিয়েল এস্টেট ডেভেলপার কর্তৃক প্রতিষ্ঠিত এলাকার বাণিজ্যিক প্লটকে বুঝাইবে;
- (ঘ) “ঘ-শ্রেণি” বলিতে জাতীয় গৃহায়ন কর্তৃপক্ষ, গণপূর্ত অধিদপ্তর, ক্যান্টনমেন্ট বোর্ড, রাজধানী উন্নয়ন কর্তৃপক্ষ, চট্টগ্রাম উন্নয়ন কর্তৃপক্ষ, গাজীপুর উন্নয়ন কর্তৃপক্ষ, খুলনা উন্নয়ন কর্তৃপক্ষ,

¹⁵ এসআরও-১৫৭-আইন/আয়কর-১২/২০২৫, তারিখ ২৬ মে ২০২৫ দ্বারা (চ) প্রতিস্থাপিত ও (ছ) বিলুপ্ত।

¹⁶ এসআরও-৩৬২-আইন/আয়কর-১৭/২০২৫, তারিখ ১১ সেপ্টেম্বর ২০২৫ দ্বারা নতুন উপ-বিধি (চ) সংযোজিত।

রাজশাহী উন্নয়ন কর্তৃপক্ষ, কক্সবাজার উন্নয়ন কর্তৃপক্ষসহ গৃহায়ন ও গণপূর্ত মন্ত্রণালয়ের আওতাধীন অনুরূপ অন্য যে-কোনো উন্নয়ন কর্তৃপক্ষের নিয়ন্ত্রণাধীন নহে কিন্তু ডেভেলপার বা রিয়েল এস্টেট ডেভেলপার কর্তৃক প্রতিষ্ঠিত এলাকার আবাসিক প্লটকে বুঝাইবে;

- (ঙ) “ঙ-শ্রেণি” অর্থে সকল শিল্প প্লটকে বুঝাইবে
- (চ) “চ-শ্রেণি” বলিতে “ক-শ্রেণি”, “খ-শ্রেণি”, “গ-শ্রেণি”, “ঘ-শ্রেণি” ও “ঙ-শ্রেণি” ব্যতীত অন্যান্য এলাকা বুঝাইবে;

৭। রিয়েল এস্টেট বা ভূমি উন্নয়নকারীর নিকট হইতে কর সংগ্রহ।—

- (১) ধারা ১২৬ এর অধীন উৎসে কর সংগ্রহের ক্ষেত্রে Registration Act, 1908 এর বিধান মোতাবেক দলিল দস্তাবেজ নিবন্ধনের জন্য দায়িত্বপ্রাপ্ত কোন ব্যক্তি কোন ডেভেলপার বা রিয়েল এস্টেট ডেভেলপার কর্তৃক নির্মিত ভবন বা অ্যাপার্টমেন্ট হস্তান্তরের দলিল দস্তাবেজ নিবন্ধন করিবেন না, যদি না ডেভেলপার বা রিয়েল এস্টেট ডেভেলপার নিম্নবর্ণিত সারণিতে নির্ধারিত হারে কর পরিশোধের প্রমাণ হিসাবে পে-অর্ডারের কপি নিবন্ধনের আবেদনের সহিত সংযুক্ত করেন, যথা:

সারণি

ক্রমিক নং	মৌজা	আবাসিক ভবন বা অ্যাপার্টমেন্টের ক্ষেত্রে প্রযোজ্য করহার (প্রতি বর্গমিটার)	বাণিজ্যিক ভবন বা অ্যাপার্টমেন্টের ক্ষেত্রে প্রযোজ্য করহার (প্রতি বর্গমিটার)
(১)	(২)	(৩)	(৪)
১।	ঢাকা জেলার গুলশান, বনানী, মতিঝিল ও তেজগাঁও থানার অন্তর্গত সকল মৌজা	১,৬০০/-	৬,৫০০/-
২।	ঢাকা জেলার ধানমন্ডি, ওয়ারী, তেজগাঁও শিল্পাঞ্চল থানা, শাহবাগ, রমনা, পল্টন, বংশাল, নিউমার্কেট ও কলাবাগান থানার অন্তর্গত সকল মৌজা	১,৫০০/-	৫,০০০ টাকা
৩।	ঢাকা জেলার খিলক্ষেত, কাফরুল, মোহাম্মদপুর, সূত্রাপুর, যাত্রাবাড়ী, উত্তরা মডেল থানা, ক্যান্টনমেন্ট থানা, চকবাজার থানা, কোতোয়ালি থানা, লালবাগ থানা, খিলগাঁও, শ্যামপুর, গেণ্ডারিয়া থানার অন্তর্গত সকল মৌজা	১,৪০০/-	৪,০০০/-
৪।	ঢাকা জেলার বিমানবন্দর, উত্তরা পশ্চিম, মুগদা, রূপনগর, ভাষণটেক, বাড্ডা থানা, পল্লবী থানা, ভাটারা, শাহজাহানপুর, মিরপুর মডেল থানা, দারুস সালাম থানা, দক্ষিণখান থানা, উত্তরখান থানা, তুরাগ থানা, শাহ আলী থানা, সবুজবাগ থানা, কদমতলী থানা, চকবাজার থানা, কামরাঙ্গীরচর থানা, কোতোয়ালি থানা, লালবাগ থানা, হাজারীবাগ, ডেমরা ও আদাবর থানার অন্তর্গত সকল মৌজা; চট্টগ্রাম জেলার খুলশী, পাঁচলাইশ, পাহাড়তলী,	১,৩০০/-	৩,৫০০/-

	হালিশহর ও কোতোয়ালী থানার অন্তর্গত সকল মৌজা; গাজীপুর জেলার সদর, বাসন, কোনাবাড়ী, গাছা, টঙ্গী পূর্ব, টঙ্গী পশ্চিম থানার, জয়দেবপুর ও কালীগঞ্জ থানার অন্তর্গত সকল মৌজা এবং নারায়ণগঞ্জ জেলার সদর, ফতুল্লা, সিদ্ধিরগঞ্জ, বন্দর, রূপগঞ্জ ও সোনারগাঁও থানার অন্তর্গত সকল মৌজা		
৫।	ঢাকা জেলার দোহার, নবাবগঞ্জ, কেরানীগঞ্জ, সাভার ও ধামরাই উপজেলার অন্তর্গত সকল মৌজা; চট্টগ্রাম জেলার আকবর শাহ, ইপিজেড, কর্ণফুলী, চকবাজার, চান্দগাঁও, ডবলমুরিং, পতেঙ্গা, পাঁচলাইশ, বন্দর, বাকলিয়া, বায়েজিদ বোস্তামি ও সদরঘাট থানার অন্তর্গত সকল মৌজা; নারায়ণগঞ্জ জেলার আড়াইহাজার থানার অন্তর্গত সকল মৌজা এবং ঢাকা দক্ষিণ, ঢাকা উত্তর, চট্টগ্রাম, নারায়ণগঞ্জ ও গাজীপুর সিটি কর্পোরেশন ব্যতীত অন্যান্য সিটি কর্পোরেশন এ অবস্থিত সকল মৌজা	৭০০/-	২,০০০/-
৬।	ক্রমিক নং ১, ২, ৩, ৪ ও ৫ এ উল্লিখিত নহে এইরূপ সকল এলাকা	৩০০/-	১,০০০/-

- (২) ধারা ১২৬ এর অধীন উৎসে কর সংগ্রহের ক্ষেত্রে Registration Act, 1908 এর বিধান মোতাবেক দলিল দস্তাবেজ নিবন্ধনের জন্য দায়িত্বপ্রাপ্ত কোন ব্যক্তি কোনো ডেভেলপার বা রিয়েল এস্টেট ডেভেলপার কর্তৃক নির্মিত ভবন বা অ্যাপার্টমেন্ট সংশ্লিষ্ট কোনো ভূমি, বা ডেভেলপার বা রিয়েল এস্টেট ডেভেলপার কর্তৃক উন্নয়নকৃত কোনো ভূমি হস্তান্তরের দলিল দস্তাবেজ নিবন্ধন করিবেন না, যদি না ডেভেলপার বা রিয়েল এস্টেট ডেভেলপার নিম্নবর্ণিত সারণিতে নির্ধারিত হারে কর পরিশোধের প্রমাণ হিসাবে পে-অর্ডারের কপি নিবন্ধনের আবেদনের সহিত সংযুক্ত করেন, যথা:-

সারণি

ক্রমিক	এলাকার নাম	করহার
(১)	(২)	(৩)
১।	ঢাকা, গাজীপুর, নারায়ণগঞ্জ, মুন্সীগঞ্জ, মানিকগঞ্জ, নরসিংদী এবং চট্টগ্রাম জেলা	দলিলে উল্লিখিত ভূমির মূল্যের ৫%
২।	অন্য যেকোন জেলা	দলিলে উল্লিখিত ভূমির মূল্যের ৩%

- (৩) ¹⁷[সরকার বা] সংবিধিবদ্ধ সরকারি কোন কর্তৃপক্ষ কর্তৃক কোন ভূমি বা স্থাপনা, বাড়ি, ফ্ল্যাট, অ্যাপার্টমেন্ট অথবা ফ্লোর স্পেসে উন্নয়ন এবং হস্তান্তরের দলিল নিবন্ধনের ক্ষেত্রে এই বিধির অধীন কর কর্তন প্রযোজ্য হইবে।
- (৪) সিটি কর্পোরেশন, পৌরসভা ও ক্যান্টনমেন্ট বোর্ড এলাকায় ¹⁸[১০ লক্ষাধিক টাকার] ভূমি, স্থাপনা, বাড়ি, ফ্ল্যাট, অ্যাপার্টমেন্ট অথবা ফ্লোর স্পেস বিক্রয় বা হস্তান্তর বা বায়নামা বা আমমোক্তারনামা নিবন্ধনকালে

¹⁷ এসআরও-৩৬২-আইন/আয়কর-১৭/২০২৫, তারিখ ১১ সেপ্টেম্বর ২০২৫ দ্বারা বিলুপ্ত।

¹⁸ এসআরও-১৫৭-আইন/আয়কর-১২/২০২৫, তারিখ ২৬ মে ২০২৫ দ্বারা বিলুপ্ত।

দাতা ও গ্রহীতার রিটার্ন দাখিলের প্রমাণ (Proof of Submission of Return or PSR) উপস্থাপন ব্যতীত উক্তরূপ নিবন্ধন সম্পন্ন করা যাইবে না।

(৫) এই বিধির অধীন উৎসে কর সংগ্রহকালে বিধি ৬ এর উপ-বিধি (১) অনুযায়ী প্রযোজ্য উৎসে কর সংগ্রহ করিতে হইবে:

তবে শর্ত থাকে যে, বিধি ৬ এর উপ-বিধি (২) অনুযায়ী উৎসে কর সংগ্রহ করা যাইবে না।

(৬) এই বিধির অধীন দাখিলকৃত প্রতিটি পে-অর্ডার নিম্নবর্ণিত সারণি মোতাবেক পৃথক পৃথক এ-চালানের মাধ্যমে সরকারি কোষাগারে জমা করিতে হইবে, যথা:-

সারণি

ক্রমিক	পে-অর্ডার সংগ্রহের সময়	এ-চালানের মাধ্যমে জমার সময়
(১)	(২)	(৩)
১।	অর্থ বৎসরের জুলাই মাসের প্রথম সপ্তাহ হইতে জুন মাসের তৃতীয় সপ্তাহ পর্যন্ত	যে সপ্তাহে সংগৃহীত হইয়াছে উহার পরবর্তী সপ্তাহের প্রথম কর্মদিবসের মধ্যে;
২।	অর্থ বৎসরের জুন মাসের শেষ সপ্তাহ	যেদিন সংগৃহীত হইয়াছে উহার পরবর্তী কর্মদিবসের মধ্যে;
৩।	অর্থ বৎসরের জুন মাসের শেষ কর্মদিবস	অর্থ বৎসরের জুন মাসের শেষ কর্মদিবসের মধ্যে।

৮। আমদানিকারকদের নিকট হতে কর সংগ্রহ।—

(১) আইনের ধারা ১২০ মোতাবেক কর সংগ্রহের নিমিত্ত কাস্টমস কমিশনার অথবা অন্য কোন যথোপযুক্ত কর্মকর্তা যেকোন পণ্য আমদানির ক্ষেত্রে নিম্নবর্ণিত হার অনুযায়ী কর সংগ্রহ করিবেন:

(ক) দফা (গ), দফা (ঘ), দফা (ঙ), দফা (চ), দফা (ছ), দফা (ঝ) এ বর্ণিত পণ্য ব্যতীত অন্যান্য আমদানিকৃত পণ্যের মূল্যের উপর ৫% হারে;

^{১৭}(খ) নিম্নবর্ণিত সারণি-১ এ উল্লিখিত পণ্য আমদানির ক্ষেত্রে আমদানিকৃত পণ্য মূল্যের উপর ১% হারে:-

(গ) নিম্নবর্ণিত সারণি-২ এ উল্লিখিত পণ্য আমদানির ক্ষেত্রে আমাদিনকৃত পণ্য মূল্যের উপর ২% হারে:-
(সারণি সংযুক্ত নয়)

(ঘ) নিম্নবর্ণিত সারণি-৩ এ উল্লিখিত পণ্য আমদানির ক্ষেত্রে আমদানিকৃত পণ্যের প্রতি টনের উপর ^{২০}৬ টাকা হারে:-

(ঙ) নিম্নবর্ণিত সারণি-৪ এ উল্লিখিত পণ্য আমদানির ক্ষেত্রে আমাদিনকৃত পণ্য মূল্যের উপর ০% হারে:-

^{১৭} এসআরও-১৫৭-আইন/আয়কর-১২/২০২৫, তারিখ ২৬ মে ২০২৫ দ্বারা বিলুপ্ত।

^{২০} এসআরও-১৫৭-আইন/আয়কর-১২/২০২৫, তারিখ ২৬ মে ২০২৫ দ্বারা ৫ টাকা কে বৃদ্ধি করে ৬ টাকা করা হয়েছে।

(চ) নিম্নবর্ণিত সারণি-৫ এ উল্লিখিত ভুটান থেকে পণ্য আমদানির ক্ষেত্রে আমাদিনকৃত পণ্য মূল্যের উপর ০% হারে:-

(ছ) নিম্নবর্ণিত সারণি-৬ এ উল্লিখিত পণ্য আমদানির ক্ষেত্রে ইন্ডাস্ট্রিয়াল আইআরসিধারী মূসক নিবন্ধিত উত্পাদক কর্তৃক আমদানিকৃত পণ্য মূল্যের উপর ৩% হারে:-

^{২১}(জ) নিম্নবর্ণিত সারণি-৭ এ উল্লিখিত পণ্য আমদানির ক্ষেত্রে আমাদিনকৃত পণ্য মূল্যের উপর ১০% হারে:-

(ঝ) নিম্নবর্ণিত সারণি-৭ এ উল্লিখিত পণ্য আমদানির ক্ষেত্রে আমাদিনকৃত পণ্য মূল্যের উপর ২০% হারে:-

(২) যেইক্ষেত্রে এই বিধির অধীন উৎসে করের প্রযোজ্যতা রহিয়াছে, এইরূপ আমদানিকারক অথবা আমদানি হইতে আয়, কোন আয়বর্ষে করমুক্ত হয় বা হ্রাসকৃত হারে করারোপযোগ্য হয়, সেইক্ষেত্রে উক্ত আমদানিকারকের আবেদনের ভিত্তিতে বোর্ড, সংশ্লিষ্ট আয়বর্ষের জন্য কোন কর কর্তন ছাড়াই বা হ্রাসকৃত হারে উৎসে কর কর্তনের জন্য, যেইরূপ উপযুক্ত প্রতীয়মান হয়, সেইরূপে লিখিতভাবে সনদপত্র দিতে পারিবে।

(৩) এই বিধির উদ্দেশ্য পূরণকল্পে, “আমদানিকৃত পণ্যের মূল্য” বলিতে বুঝাইবে কাস্টমস আইন, ২০২৩ এর ধারা ২৭ অনুযায়ী নির্ধারিত আমদানি পণ্যের মূল্য।

৯। উৎসে কর্তনকৃত কর জমাদানের সময়সীমা।—

আইনের সপ্তম অংশের বিধান অনুসারে কর্তনকৃত অথবা সংগ্রহকৃত সকল অংক সরকারি কোষাগারে নিম্নবর্ণিত সারণি মোতাবেক জমা প্রদান করিতে হইবে:-

ক্রমিক	কর্তন ও সংগ্রহের সময়	সরকারি কোষাগারে জমাদানের তারিখ
(১)	(২)	(৩)
ক।	অর্থ বৎসরের জুলাই থেকে মে মাসের যেকোনো কর্তন বা সংগ্রহের ক্ষেত্রে	কর্তন বা সংগ্রহের মাসের শেষে পরবর্তী ২ সপ্তাহের মধ্যে
খ।	অর্থ বৎসরের জুন মাসের ১ম থেকে ২০তম দিনের যেকোন দিনের কর্তন বা সংগ্রহের ক্ষেত্রে	কর্তন বা সংগ্রহের দিনের পরবর্তী ৭ দিনের মধ্যে
গ।	অর্থ বৎসরের জুন মাসের অন্যান্য যেকোন দিনের কর্তন বা সংগ্রহের ক্ষেত্রে	কর্তন বা সংগ্রহের পরবর্তী দিন
ঘ।	অর্থ বৎসরের জুন মাসের শেষ কর্মদিবেসে কর কর্তন বা সংগ্রহের ক্ষেত্রে	কর্তন বা সংগ্রহের দিন।

১০। উৎসে কর্তনকৃত বা সংগৃহীত কর পরিশোধের পদ্ধতি।— এই আইনের অংশ ৭ এর আওতাধীন কর কর্তন বা সংগ্রহের জন্য দায়িত্বপ্রাপ্ত ব্যক্তি বিধি ৯ এ বর্ণিত নির্দিষ্ট সময়ের মধ্যে উক্ত কর্তনকৃত অথবা সংগৃহীত কর এ-চালান বা বোর্ড কর্তৃক নির্ধারিত ই-পেমেন্ট এর মাধ্যমে সরকারের অনুকূলে জমা প্রদান করিতে হইবে।

^{২১} এসআরও-১৫৭-আইন/আয়কর-১২/২০২৫, তারিখ ২৬ মে ২০২৫ দ্বারা বিলুপ্ত।

১১। কর কর্তন বা আদায়, ইত্যাদি সংক্রান্ত সার্টিফিকেট জারী।—

- (১) যেইক্ষেত্রে “চাকরি হইতে আয়” খাতের অধীন শ্রেণিকরণযোগ্য প্রাপকের আয়, যাহা সরকার কর্তৃক পরিশোধিত বেতন নয়, এর সূত্রে আইনের ধারা ১৪৫ এর অধীন কর কর্তনের আওতায় যেকোন পরিমাণ পরিশোধ করা হইয়াছে সেইক্ষেত্রে তৎসংক্রান্ত সনদ তফসিল ২ মোতাবেক প্রদান করিতে হইবে।
- (২) যেইক্ষেত্রে ধারা ৮৬ ব্যতীত অন্য যেকোন ধারার অধীন কর কর্তন করা হইয়াছে, সেইক্ষেত্রে ধারা ১৪৫ এর অধীন কর কর্তনের সনদ তফসিল ৩ মোতাবেক প্রদান করিতে হইবে।
- (৩) যেইক্ষেত্রে অংশ ৭ এর অধীন যেকোন পরিমাণ কর সংগ্রহ করা হইয়াছে, সেইক্ষেত্রে ধারা ১৪৫ এর অধীন কর সংগ্রহের সনদ তফসিল ৪ মোতাবেক প্রদান করিতে হইবে।
- (৪) কর্তনকৃত বা আদায়কৃত কর সরকারি কোষাগারে পরিশোধের এ-চালান এই বিধিতে বর্ণিত সনদ এর সাথে দাখিল করিতে হইবে।
- (৫) যেই মাসে কর্তন সম্পন্ন করা হইয়াছে তৎপরবর্তী মাসের ২ সপ্তাহের মধ্যে অথবা যেই ব্যক্তি হইতে কর কর্তন বা সংগ্রহ করা হইয়াছে তাহার করদায় নিষ্পন্ন করিতে উপযোগী হয় এইরূপ সময়ের মধ্যে কর্তন বা সংগ্রহ সংক্রান্ত সনদ প্রদান করিতে হইবে।
- (৬) এই বিধির উদ্দেশ্যপূরণকল্পে, বিল অব এন্ট্রি, রেজিস্ট্রেশন দলিল, ব্যাংক বিবরণী, পরিশোধের দলিল অথবা কর্তন বা সংগ্রহ এর বিবরণ সংক্রান্ত তথ্যাদি সনদ হিসেবে গণ্য করা যাইবে।
- (৭) “চাকরি হইতে আয়” খাতের অধীন উৎস হইতে কর্তনের ক্ষেত্রে উপ-বিধি (৬) এর বিবরণী প্রযোজ্য হইবে না।

১২। অব্যাহতি সনদের অকার্যকারিতা।— যেইক্ষেত্রে কোনো ব্যক্তি এই মর্মে কোন টেন্ডার বা পণ্য সরবরাহের চুক্তি বা এই বিধিমালার অধীন কর কর্তন প্রযোজ্য হয় এইরূপ কোনো চুক্তিতে অংশগ্রহণ করেন যেখানে তৎকর্তৃক দাখিলকৃত দরপত্রে উদ্ধৃত মূল্যে বা চুক্তিতে উল্লিখিত পণ্যের অংকে উৎসে করের অংক অন্তর্ভুক্ত সেইক্ষেত্রে উক্ত ব্যক্তি কোন কর অব্যাহতি সনদ উপস্থাপন করিলে উহার কার্যকারিতা থাকিবে না।

১৩। কর ব্যতীত পরিশোধ এর ক্ষেত্রে গ্রস-আপপূর্বক কর কর্তন বা সংগ্রহ।—

[ধারা ১৪১ দ্রষ্টব্য। এ বিধিতে ধারা ১৪১ কে ছবুছ তুলে দেয়া হয়েছে।]

^{২২}১৪। উৎসে কর কর্তন বা সংগ্রহের সাধারণ বিধান।—

[ধারা ১৪২ দ্রষ্টব্য। এ বিধিতে ধারা ১৪২ কে ছবুছ তুলে দেয়া হয়েছে।]

১৫। উৎসে কর এর রিটার্ন দাখিল।—

আইনের ধারা ১৭৭ মোতাবেক তফসিল ১ এ বর্ণিত উৎসে কর এর রিটার্ন দাখিল করিতে হইবে।

^{২২} এসআরও-১৫৭-আইন/আয়কর-১২/২০২৫, তারিখ ২৬ মে ২০২৫ দ্বারা বিলুপ্ত।

১৬। রহিতকরণ।—

- (১) এই বিধিমালা প্রবর্তনের সঙ্গে সঙ্গে উৎসে কর বিধিমালা, ২০২৩, অতঃপর উক্ত বিধিমালা বলিয়া উল্লিখিত, রহিত হইবে।
- (২) উপ-বিধি (১) এর অধীন রহিতকরণ সত্ত্বেও উক্ত বিধিমালার অধীন-
- (ক) কৃত কোন কার্য বা গৃহীত কোন ব্যবস্থা এই বিধিমালার অধীন কৃত বা গৃহীত হইয়াছে বলিয়া গণ্য হইবে;
- (খ) অনিষ্পন্ন কার্যধারা এমনভাবে নিষ্পত্তি করিতে হইবে যেন উক্ত বিধিমালা রহিত হয় নাই।

জাতীয় রাজস্ব বোর্ডের আদেশক্রমে,
এ কে এম বদিউল আলম
সদস্য (কর নীতি)
জাতীয় রাজস্ব বোর্ড, ঢাকা।

উৎসে কর কর্তন বা সংগ্রহের নিমিত্ত বিভিন্ন হার সংক্রান্ত সারণি
[৩০ সেপ্টেম্বর ২০২৫ পর্যন্ত হালনাগাদকৃত]

উৎসে কর কর্তন প্রযোজ্য হয় এমন উৎসের নাম, কর্তনের হার, কর্তনের জন্য দায়িত্বপ্রাপ্ত ব্যক্তি এবং কর্তিত/সংগৃহীত কর ন্যূনতম, চূড়ান্ত, নাকি নিয়মিত হারে কর প্রযোজ্য তা নিম্নবর্ণিত সারণিতে দেয়া হলো। তবে, কোন সন্দেহ দেখা দিলে আয়কর আইন, ২০২৩, উৎসে কর বিধিমালা, ২০২৪ ও ২৬ মে ২০২৫ তারিখে ও ১১ সেপ্টেম্বর ২০২৫ তারিখ জারীকৃত উৎসে কর বিধিমালা, ২০২৪ এর সংশোধনীসমূহ যাচাই করতে হবে:

ক্রমিক	উৎসের নাম	ধারা	উপ-খাত/ কর্তনকারী কর্তৃপক্ষ	কর্তনের হার	নিয়মিত/ ন্যূনতম/ চূড়ান্ত
(১)	(২)	(৩)	(৪)	(৫)	(৬)
১।	চাকরির আয়	৮৬	বেতন প্রদানকারী	গড় হার	নিয়মিত
২।	সংসদ সদস্যদের সম্মানী	৮৭	সংসদ সচিবালয়	গড় হার	নিয়মিত
৩।	শ্রমিক অংশগ্রহণ তহবিল, কল্যাণ তহবিল, ইত্যাদি হতে প্রদত্ত অর্থ	৮৮	তহবিল পরিচালনাকারী	১০%	ন্যূনতম
৪।	ঠিকাদার, সরবরাহকারী, ইত্যাদিকে প্রদত্ত অর্থ	৮৯	তুলা ও সুতা সরবরাহ	১%	ন্যূনতম
			ফল সরবরাহ	২%	ন্যূনতম
			শিল্পোৎপাদনে ব্যবহৃত কাঁচামাল সরবরাহের	৩%	ন্যূনতম
			সিগারেট কোম্পানিতে কাঁচামাল সরবরাহ	১০%	ন্যূনতম
			ধান, চাল, গমসহ কতিপয় মসলা ও খাদ্যদ্রব্য ও পাট সরবরাহ	০.৫%	ন্যূনতম
			শতভাগ রপ্তানিমুখী গার্মেন্টস এর সাব-কন্ট্রাক্ট	১%	ন্যূনতম
			অন্যান্য সরবরাহ, পূর্তকাজ, উৎপাদন, প্রক্রিয়াকরণ বা রূপান্তর, মুদ্রণ, প্যাকেজিং বা বাঁধাই	৫%	ন্যূনতম
			অন্যান্য চুক্তি	বিধি-৩	ন্যূনতম
৫।	সেবার বিপরীতে পরিশোধ	৯০		বিধি-৪	ন্যূনতম
৬।	স্পর্শাতীত সম্পত্তির জন্য পরিশোধ	৯১		১০%	ন্যূনতম
৭।	প্রচার মাধ্যমের বিজ্ঞাপন আয়	৯২		৫%	ন্যূনতম
৮।	অভিনেতা, অভিনেত্রী, প্রযোজক,	৯৩		১০%	নিয়মিত

ক্রমিক	উৎসের নাম	ধারা	উপ-খাত/ কর্তনকারী কর্তৃপক্ষ	কর্তনের হার	নিয়মিত/ ন্যূনতম/ চূড়ান্ত
(১)	(২)	(৩)	(৪)	(৫)	(৬)
	ইত্যাদি ব্যক্তিকে পরিশোধ				
৯।	কমিশন, বাট্টা, ফি, প্রণোদনা	৯৪(১)	কোম্পানি ও ফার্ম	১০%	ন্যূনতম
	পণ্য বিপণন বাবদ পরিশোধিত অর্থ	৯৪(২)	কোম্পানি ও ফার্ম	১.৫%	
	পরিবেশক বা অন্য কোন ব্যক্তির নিকট খুচরা মূল্য অপেক্ষা কম মূল্যে বিক্রয় করলে বিক্রয় মূল্যের উপর	৯৪(৩)	তেল বিপণন কোম্পানি ব্যতীত অন্য কোম্পানি ও ফার্ম	বিক্রয়মূল্য × ৫% × ৫%	
	সিগারেট বিক্রয়ের ক্ষেত্রে পরিবেশক বা অন্য কোন ব্যক্তির নিকট খুচরা মূল্য অপেক্ষা কম মূল্যে বিক্রয় করলে পার্থক্যের উপর	৯৪(৩) শর্তাংশ	সিগারেট প্রস্তুতকারক কোম্পানি	৩%	
১০।	ট্রাভেল এজেন্টে-যাত্রী টিকেট বিক্রয় মূল্যের উপর	৯৫	এয়ারলাইনস	০.৩%	ন্যূনতম
	অতিরিক্ত প্রাপ্ত অর্থের উপর	৯৫(১)	এয়ারলাইনস		
১১।	ঋণপত্রের কমিশন হিসাবে প্রাপ্ত অর্থ	৯৬	ব্যংক ও ফাইন্যান্স কোম্পানি	৫%	নিয়মিত
১২।	স্থানীয় ঋণপত্রের বিপরীতে পরিশোধিত অর্থ	৯৭(১)	ব্যবসা বা প্রক্রিয়া বা রূপান্তরের পরে পুনঃবিক্রি করিবার উদ্দেশ্যে ঋণ	৩%	নিয়মিত
		৯৭(২)	পরিবেশককে পরিশোধিত অর্থের উপর	১.৫%	
		৯৭(৩)	কমপিউটার যন্ত্রাংশ ক্রয়	২%	
		৯৭(৪)	তুলা এবং সুতা ক্রয়	১%	
		৯৭(৫)	ধান, চাল, গমসহ কতিপয় মসলা ও খাদ্যদ্রব্য ক্রয়	০.৫%	
১৩।	সেলুলার মোবাইল ফোন অপারেটর কর্তৃক পরিশোধিত অর্থের	৯৮	কোম্পানির প্রধান নির্বাহী	২০%	নিয়মিত
১৪।	জীবন বিমা পলিসির প্রিমিয়ামের অতিরিক্ত কোন পরিশোধ	৯৯	বিমা কোম্পানি	৫%	নিয়মিত
১৫।	বিমার কমিশনের অর্থ	১০০	বিমা কোম্পানি	৫%	ন্যূনতম
১৬।	সাধারণ বিমা কোম্পানি জরিপকারীদের ফি, ইত্যাদি	১০১	সংশ্লিষ্ট কোম্পানি	১৫%	ন্যূনতম
১৭।	সঞ্চয়ী ও স্থায়ী আমানত, ডিপিএস, ইত্যাদির সুদ বা মুনাফা	১০২	ট্রাস্ট, ব্যক্তিসংঘ ও কোম্পানির ক্ষেত্রে	২০%	ন্যূনতম

ক্রমিক	উৎসের নাম	ধারা	উপ-খাত/ কর্তনকারী কর্তৃপক্ষ	কর্তনের হার	নিয়মিত/ ন্যূনতম/ চূড়ান্ত
(১)	(২)	(৩)	(৪)	(৫)	(৬)
			অন্যান্য ক্ষেত্রে	১০%	
১৮।	নিবাসীর সুদ আয়	১০৪	নির্ধারিত ব্যক্তি	১০%	নিয়মিত
১৯।	সঞ্চয়পত্রের মুনাফা	১০৫	সকল ক্ষেত্রে	১০%	চূড়ান্ত
২০।	সিকিউরিটিজের সুদ	১০৬	সিকিউরিটিজ ইস্যুর দায়িত্বপ্রাপ্ত কোন ব্যক্তি	১০%	ন্যূনতম
২১।	বাংলাদেশ ব্যাংক বিলের প্রকৃত মূল্যের ছাড়	১০৭	অর্থ পরিশোধের জন্য দায়িত্বপ্রাপ্ত ব্যক্তি	সর্বোচ্চ হারে	নিয়মিত
২২।	আন্তর্জাতিক ফোন কলের জন্য প্রাপ্ত অর্থ	১০৮(১)	আন্তর্জাতিক গেটওয়ে সেবা প্রদানের জন্য ব্যাংকের মাধ্যমে প্রাপ্ত অর্থ	১.৫%	ন্যূনতম
		১০৮(২)	আইজিডাব্লিউ, আইসিএক্স, এএনএস এর বিটিএরিসি এর সাথে সম্পাদিত চুক্তির মাধ্যমে প্রাপ্ত অর্থ	৭.৫%	
		১০৮(৩)	বহির্গামী আন্তর্জাতিক কলের জন্য প্রাপ্ত অর্থ	৭.৫%	
২৩।	ভাড়া হতে কর কর্তন	১০৯	ভাড়া প্রদানকারী	১০%	নিয়মিত
২৪।	কনভেনশন হল, কনফারেন্স সেন্টার, ইত্যাদি হতে সেবা প্রদানের জন্য	১১০	ভাড়া প্রদানকারী	১০%	ন্যূনতম
২৫।	সম্পত্তি অধিগ্রহণের ক্ষতিপূরণ	১১১	সিটি করপোরেশন, পৌরসভা ও ক্যান্টনমেন্ট এলাকা	৬%	চূড়ান্ত
			অন্যান্য এলাকা	৩%	
২৬।	নগদ রপ্তানি ভর্তুকি	১১২	সকল করদাতার ক্ষেত্রে	১০%	চূড়ান্ত
২৭।	বিদ্যুৎ ক্রয়ের বিপরীতে	১১৪	বিল পরিশোধকারী	৪%	ন্যূনতম
২৮।	ডেভেলপারের নিকট হতে ভূমির মালিক কর্তৃক প্রাপ্ত নগদ অর্থ/সাইনিং মানি	১১৫	ডেভেলপার	১৫%	ন্যূনতম
২৯।	বিদেশি ক্রেতার এজেন্টকে প্রদত্ত কমিশন বা পারিশ্রমিক	১১৬	ব্যাংক	৭.৫%	ন্যূনতম
৩০।	লভ্যাংশ	১১৭	কোম্পানি গ্রহীতা হলে	কোম্পানি হার	ন্যূনতম
			কোম্পানি ব্যতীত গ্রহীতা	১০%	

ক্রমিক	উৎসের নাম	ধারা	উপ-খাত/ কর্তনকারী কর্তৃপক্ষ	কর্তনের হার	নিয়মিত/ ন্যূনতম/ চূড়ান্ত
(১)	(২)	(৩)	(৪)	(৫)	(৬)
৩১।	লটারি, ইত্যাদি হইতে প্রাপ্ত আয়	১১৮	অর্থ পরিশোধকারী	২০%	ন্যূনতম
৩২।	অনিবাসীদের আয় [ধারা ১১৯(৩)]	১১৯	অর্থ প্রদানকারী	অনধিক ৩০% [বিধি-৫]	নিয়মিত
৩৩।	আমদানিকারকদের নিকট হইতে	১২০	কমিশনার, কাস্টমস	অনধিক ২০% [বিধি-৮]	ন্যূনতম
৩৪।	জনশক্তি রপ্তানি	১২১	জনশক্তি, কর্মসংস্থান ও প্রশিক্ষণ ব্যুরো	১০%	ন্যূনতম
৩৫।	ক্লিয়ারিং ও ফরওয়ার্ডিং এজেন্ট	১২২	কমিশনার, কাস্টমস	১০%	ন্যূনতম
৩৬।	রপ্তানি আয়	১২৩	ব্যাংক	১%	ন্যূনতম
৩৭।	কোন সেবা, রেভিনিউ শেয়ারিং, ইত্যাদি বাবদ বিদেশ হইতে প্রেরিত আয়	১২৪	ব্যক্তির হিসাবে পরিশোধ বা জমা প্রদানের জন্য	৭.৫%	ন্যূনতম
	ফ্রাইট ফরওয়ার্ড এজেন্ট কর্তৃক গৃহীত গ্রস বিল বা কমিশনসহ গ্রস বিল	১২৪(গ) (১)	দায়িত্বপ্রাপ্ত ব্যক্তি	১.৫%	ন্যূনতম
৩৮।	জমি/সম্পত্তি হস্তান্তরের ক্ষেত্রে	১২৫	স্বাভাবিক ব্যক্তির ক্ষেত্রে	বিধি-৬	চূড়ান্ত
			অন্যান্য ব্যক্তির ক্ষেত্রে	বিধি-৬	ন্যূনতম
৩৯।	ডেভেলপার কর্তৃক প্লট বা ফ্ল্যাট বিক্রয়কালে (বিক্রেতার নিকট হতে)	১২৬	নিবন্ধন কর্মকর্তা	বিধি-৭	ন্যূনতম
৪০।	সরকারি স্ট্যাম্প, কোর্ট ফি, কার্টিজ পেপার বাবদ পরিশোধিত কমিশন	১২৭	জেলা প্রশাসক	১০%	ন্যূনতম
৪১।	সম্পত্তির ইজারা (ন্যূনতম ১০ বছর)	১২৮	ইজারাদাতা	৪%	ন্যূনতম
৪২।	সিগারেট উৎপাদনকারী	১২৯	সিকিউরিটি প্রিন্টিং প্রেস	১০%	ন্যূনতম
৪৩।	ইট প্রস্তুতকারী/ উৎপাদনকারী	১৩০	জেলা প্রশাসক	৮০,০০০ ১,২০,০০০ ১,৬০,০০০ ২,০০,০০০	নিয়মিত
৪৪।	ট্রেড লাইসেন্স প্রদান বা নবায়ন	১৩১	ইউনিয়ন পরিষদ/ পৌরসভা/ সিটি করপোরেশন	৩,০০০ ২,০০০ ১,০০০ ৫০০	নিয়মিত
৪৫।	কোন নিবাসীর জাহাজ ব্যবসা (প্রেরিত বা আগত মালামালের ভাড়ামূল্যের উপর)	১৩২	সরাসরি চলাচলের ক্ষেত্রে	৫%	ন্যূনতম
		শর্তাংশ	২ এর অধিক দেশের মধ্যে চলাচলের ক্ষেত্রে	৩%	

ক্রমিক	উৎসের নাম	ধারা	উপ-খাত/ কর্তনকারী কর্তৃপক্ষ	কর্তনের হার	নিয়মিত/ ন্যূনতম/ চূড়ান্ত
(১)	(২)	(৩)	(৪)	(৫)	(৬)
৪৬।	প্রকাশ্য নিলামে বিক্রয় (পণ্য বা সম্পত্তি)	১৩৩(১)	নিলামকারী	১০%	ন্যূনতম
	চা নিলাম	১৩৩(২)	নিলামকারী	১%	
৪৭।	শেয়ার হস্তান্তর	১৩৪	মুনাফার উপর	১৫%	ন্যূনতম
৪৮।	স্পন্সর, ডিরেক্টর ও প্লেসমেন্ট শেয়ার সিকিউরিটিজ হস্তান্তর	১৩৫	মুনাফার উপর	১৫%	ন্যূনতম
৪৯।	স্টক এক্সচেঞ্জের শেয়ারহোল্ডারদের শেয়ার স্থানান্তর	১৩৬	লাভ বা মুনাফার উপর	১৫%	ন্যূনতম
৫০।	স্টক এক্সচেঞ্জের সদস্যদের সিকিউরিটিজের লেনদেন মূল্য পরিশোধকালে	১৩৭	পরিশোধিত মূল্যের উপর	০.০৩%	ন্যূনতম
৫১।	বাণিজ্যিকভাবে পরিচালিত মোটরযান	১৩৮	মোটরযান নিবন্ধন বা ফিটনেস নবায়নকালে	ধারা ১৩৮	ন্যূনতম
৫২।	নৌযান পরিচালনা	১৩৯	নৌযান নিবন্ধন বা ফিটনেস নবায়নকালে	ধারা ১৩৯	ন্যূনতম

- ০ -